

inu:it a/s-mi TUNINIAANERMI- AAMMA NASSIUSSINERMI PIUMASAQAATIT

1. NALIGINNAASUMIK:

Tuniniaanermi- aamma nassiuussinermi piumasaqaatit uku neqeroorutinut, tuniniakkanut nassiuissanullu illuatungeriit akornanni allakkatigut allamik isumaqatigiissuteqartoqarsimatinnagu tamanut atuutsinneqarput.

2. AKIT:

Akit tamarmik danskit kruuniinik naatsorsugaapput momsilu ilaatinneqarnani. inu:it a/s-p akiutai inu:it a/s-p akinut nalunaarsuutaani allaqqapput imaluunniit neqeroorummi aalajangersimasumi allaqqallutik, tassanilu aamma nassiuussinermi akinut paasissutissat aamma atuarneqarsinnaapput inu:it a/s-imit naatsorsorneqarsimasut valutat, akitsuutit, akileraarutit, akitsuusiussat allallu allannguutai nassiuussinissamut isumaqatigiissut aallaavigalugu naatsorsorneqarsimallutik.

Tunisassiorfik tuniniakkamut atatillugu akimik immikkut allannguuteqarniaruni pisisup ullut qulit qaangiussimatinnagit inu:it a/s-ip tamatuminnga noqqaassuteqarneratigut pisiap tigusimaneranut uppersaat inu:it a/s-mut tunniutissavaa, kiisalu akiligassiisutit kopia inu:it a/s-mut nassiuullugu. Suliniutinut pineqartunut tunisassiorfik kiisalu inu:it a/s-p malittarisassai nakkutigissallugit pisisoq pisussaataavoq. Tamannattaq piffissami uninngatitsigallarnermi tuniniaanermi aammalu fiskal inatsisaanut maleruagassaanullu naapertuuttumik paasissutissanut pissarsiarineqarsimasunut atuutsinneqarpoq.

Inu:it a/s-p imaluunniit tunisassiorfik malittarisassai pisisumit eqquutsinneqarsimangippata inu:it a/s pisisumut unioqquitsinerup akiligassiisutitineqarnissaanik pisinnaatinneqarpoq, taamattaarlu inu:it a/s-imit imaluunniit tunisassiorfik pisisoq siunissami suliniutinut peqataaqjissinnaajunnaartinneqarsinnaavoq.

3. AKILIINEQ:

Akiligassamik akiliineq kingusinnerpaamik pissaaq akiligassiisummi akiliiffissatut ulloq kingulleq allassimasoq malillugu. Pingaarnertut maleruagassaq malillugu akiligassaq pisinermi ingerlaannaq akilerneqassaaq. Akiliinissamut ullorititaasoq kingulleq allassimaneqangippat pisiap tunniunneqarnerani ingerlaannaq akilerneqassaaq. Akiligassaq akiliinissamut ullorititaasoq kingulleq qaangerneqarpat inu:it a/s qaqugukkulluunniit akilerneqarnissaata tungaanut qaammammut 2%-mik erniaqartitsinissamut nukingisaarinermilu akitsuutit ilassuteqaateqassalluni pisinnaatitaavoq. Pisisup erniat aammalu aningaasartuutit ilanngullugit aatsaat akilersimalerpagit akiitsorisai peerneqassapput. Taassumalu kingorna akiitsorisai.

Pisisoq inu:it a/s-mut illuatungiliuttumik akiligassamut annikillisaataasumik inu:it a/s-p allakkatigut akuersissutitineqarsimasumik peqangikkuni piumasaqaateqarnissamut pisinnaatitaanngilaq, kiisalu aamma pisinermi illuatungiliunneq aallaavigalugu tamakkiisumik akileerusunnginnissamut pisinnaatitaanani. Nassiuussineq arlaatigut pisisup inissisimaneq pequtaalluni kinguartinneqassagaluarpat, piffissaq isumaqatigiissutaasimasoq eqquutsinneqarsimasutut ilillugu inu:it a/s-mut akiliteqartoqassaaq. inu:it a/s-imit tamanna allakkatigut nalunaaruteqarnermi avaqqunneqarsinnaavoq.

4. PIGINNITTUUSINNAATITAANEQ:

inu:it a/s nioqqutissamut nassiunneqareersimasumut akia tamakkiisumik, nassiunnerani aningaasartuutit, erniat, aammalu aningaasartuutaasinnaasut akilersimatinnagit piginnittussaataitaanermut piginnaatitaavoq.

5. PISIAP TUNNIUNNERA:

Pisiap tunniunnera Danmarkimi najugaqaraanni toqqaannartumik pisarpoq. Assartuussineq pisisumut akiligassiissutigineqartarpoq akimi ersarissumik nassiussinermi aningaasartuutit ilaareersimanerat allaqqanngikkaangat. Pisiap tiginissaanut piffissaliorneqartoq inu:it a/s-imit neqeroorut imaluunniit isumaqatigiissut naapertorlugu naatsorsorneqarluni missingersorneqartarpoq.

inu:it a/s nassiussinermi kinguartoorutinut akisussaatinneqarsinnaanngilaq, taamaakkaluartoq sapinngisarput tamaat piffissaq eqqorlugu pisiap apuunneqarnissaa isumagisarparput. Assartuussinermi sillimmasiineq akiligassiissutip 0,4 procentiasut akiligassiissutigineqartarpoq + nassiussineq kiisalu 10 % iluanaarutaasinnaasunut.

6. AVAMMUT ASSARTORNEQARTUT EQQUNNEQARTULLU PILLUGIT MALITTARISASSAT:

Tunisassiat tamarmik, kingoraartissat, teknikkikkut paasissutissat, software kiisalu uppersaait avammut assartuussinermi eqqutallu pillugit inatsisinut allanullu malittarisassanut pituttorsimasinnaapput, taamaakkaluartoq aningaasat Danmarkimeersimanissaannik, EU-meersimanissaannik, USA-meersimanissaannik imaluunniit avammut nassiussisoqarsimatillugu nuna eqqussiuviusuminngaanneersimanissaannik pituttorsimatinneqaratik. Pisisup avammut assartuinermi eqqussinermiluunniit inatsisit, peqqussutit malittarisassallu eqquutsinnissai pisussaataaaffigai, taassumalu saniatigut pisinnaatitaaffiit/ imaluunniit akuersissuteqaatit attuumassutillit pissarsiarinissaannut pisussaaffeqarluni.

7. INNIMINNIINERMI KUKKUSAT / UTERTITSINEQ:

Naliginnaasumik nioqqutissat utertinneqarsinnaasannngillat. Ilaatigut pisianik utertitsineq/taamaatitsiinnerneq allakkatigut isumaqatigiissutillioreertoqarsimaneratigut pisinnaavoq, tamannalu nioqqutissanut quersuarmiittunut puui ammarneqarsimanngitsunut kisimi atuutsinneqarluni. Nioqqutissat inniminnerneqarsimasut kiisalu PC aamma Notesbookinut tunngasut taamaatiinnerneqarsinnaanatillu utertinneqarsinnaanngillat. Pisiamik utertitsinermi/taamaatiinnartitsinermi inu:it a/s utertitsinermi akiligassiissutip nalingata 15%-iata kiisalu niuerfimmit assartorneqarnerani akip utimullu assartorneqarnerani akip akiligassiissutigiginissaanut pisussaatiippoq, minnerpaamilli kr. 350,-. Nioqqutissat akii atuuttut naapertorlugit utertinneqassapput.

8. TUNISASSIAT PILLUGIT PAASISSUTISSAT:

Quppersakkani aamma tuniniaanermi nassuiaatini paasissutissat kukkuneqarsinnaaneritut allannguuteqarsinnaanermut pisinnaatippugut. Arlaatigut kukkunerit allannguinerilluunniit inu:it a/s-mut atuutsilersinneqarsinnaanngillat.

9. TUNISASSIAP ALLANNGORTINNEQARNERA:

Pisisumut nioqqutissap pissusissamisut atornissaanut ajoqutaanngitsumik kalerrisaareqqaartigani inu:it a/s allannguinnissamut imaluunniit immikkoortiterinikkut ammartiterinissaminut pisinnaatippoq.

10. PIGISAANNGITSUNUT PISINNAATITAAFFIIT:

Tunisassiat nioqqutissat meqqii malillugit tamarmik immikkut pisinnaatitaaffimmik piginnittumit pigineqarput. Nioqqutissat meqqiisa atorineqarnissaat siumoortumik immikkut tamarmik pisinnaatitaaffinnik piginnittumut akuersissummik pissarsisimanissamut piumasaqaatitaqarpoq. Softwarenik tamanik atuinerit pisinerillu nioqqutissamut malittarisassat akuersissuteqaatillu ilanngullugit maleruaasuupput. Software nioqqutissamut pisiamut ilaasimatillugu tamanna tuniniaanermi pisiniartunut atuisunut tuniniaqqinnissaa siunertaralugu tunniunneqassaaq, tamannalu isumaqarpoq atuisunit kopi-rneqarnissaa allanulluunniit atugassianngorlugu tuniniarnissaa inerteqqutaasoq*. Softwaremik arlaleria atueqqinnissamut akuersissuteqaammik tunniussisumit allakkatigut isumaqatigiissuteqarsimanissaaq piumasaqaataavoq.

inu:it a/s-imit nioqqutissaaq nunami pineqartumit avammut assartorneqarluni pisiarinqarsimatillugu pisisup pigisaanngitsunut piginnaatitaaffinnik unioqqutitsinera inu:it a/s-mit akisussaaffigineqanngilaq, matumani inu:it a/s-imit pisisup nunamut eqqussiffiusumi nioqqutissap atorineqarsinnaanissaanut akuersissuteqaammik atuisinnaanissaa qularnaveequsersinnaannginnera peqqutaalluni.

*atuisinnaanermut akuersissuteqaatit sorliuneri matumani apeqqutaatinneqarput.

11. AMIGAATAASUT AJOQUTILLILLU:

Pisiat tigunerini pisisup tunisimasat niuernerme pisussaaffiit malillugit eqqortuunersut tamarmik misissugassarai. Arlaatigut amigaateqartoqarpat pisisup 48 tiimit qaangiutsinnagit inu:it a/s-imit allakkatigut nalunaarutigissavai, tassanilu aamma suut amigaataaneri nassuiarneqarsimassallutik. Arlaatigut amigaateqartoqarsimatillugu pisisup qulaani taakkartorneqartut naapertorlugit nalunaarutigisimannikkuniuk kingusinnerusukkut amigaataasut atuutsinneqarsinnaanngillat. inu:it a/s amigaatit pillugit ikiuunnissaminut imaluunniit nioqqutissamik tunniussinissaminut aalajangiisnaatitaavoq.

Pisiarisimasani allanngortiterisoqarsimappat puujaallunuunniit allannguuteqartoqarsimatillugu inu:it a/s pisussaaffinnut tamanut akisussaatinngilaq. inu:it a/s-mit noqqaassutigineqartoq naapertorlugit pisiaq ajoquteqartut nalunaarutigisaq nassiunneqassappat pisisup tamanna akilissavaa utertinneranilu aarlerinaatit akisussaaffigissallugit, kiisalu nioqqutissap inu:it a/s-imit utertinneqarnermini pisiarinerani puuaniinnissaa qulakkeersimassallugu. inu:it a/s sukkulluunniit atortoq ajoquteqartut nalunaarutigisimasaq kisiat tigussallugu pisinnaatippoq.

inu:it a/s immikkut ittumik kiffartuussinissamut isumaqatigiissusiorsimaguni kiffartuussinermi pisussaaffik nioqqutissanut pisiarinqarsimasunut kisimi atuutsinneqassaaq. Atortut ajoquteqartut nalunaarutigineqarsimasut inu:it a/s misilittarnissaanut pisinnaatippoq. inu:it a/s atortumik misiliinerani atortoq ajunngitsutut nalileneqarpat akiligassiissut ilanngullugu suliarineqarsimasutut utertillugu nassiunneqassaaq. inu:it a/s aatsaat misilittaareernerup kingorna taarsiisnaalluni/utertitsisnaassaaq.

Taarsiineq: Nioqqutissaaq tiguneqarnerminiik assinganik amerlassuserisaanillu taarserneqassaaq.

12. AKISUSSAAFFIMMUT KILLIGITAT:

Taarsiivigitinnissamik piumasaqaatit pisiarisimasap nalinga qaangerlugu inissinneqarsinnaanngilaq. inu:it a/s-p taarsiivigisaqarnermi toqqaannartumik atortup ajoquteqarnera kisimi atuutsinneqarpoq, matumani ingerlatsinermi annaasaqarnermut, iluanaaruteqarnermi annaasaqarnermut imaluunniit arlaatigut allatigut annaasaqarnermut akisussaatinneqarnani. inu:it a/s amigaateqartoqarsimanerani ikiuunniarnermi, taarsiiniarnermi imaluunniit taassuminnga siunertaqarnermut kinguaattoorutaasunut akisussaatinngilaq.

inu:it a/s ataani taakkartorneqartut peqqutaallutik pisinermi akornnguteqartoqarsimappat imaluunniit naalliunnartorsiortitsisimappat pisussaaffeqassalluni akisussaatinngilaq.

Sulinermi ajutoornerit illuatungeriinnit allanngortinneqarsinnaanngitsut, soorlu ikuallattoornerit, sorsunnerit, sorsunnissamut piareersarnerit assigisaaluunniit, inatsisitigut noqqaassuteqarneq, arsaarinnissuteqarneq, valutamut atatillugu killilersuinerit, pikitsitsinerit eqqissiviilliornerillu, niuerfimmit allamit assartuussinermi atorissaarutinik amigaateqarneq inu:it a/s-imit isumaqatigiissuteqarnerup eqquutsinnissaanut ajoqutaasinnaasut taakkartorneqartut peqqutaallutik tamanna piviusunngortinneqarsinnaannginneranut tungvagineqarsinnaapput.

Pissutsit taakkartomeqareersut pissagaluarpata isumaqatigiissuteqarnikkut neqeroorummi ilanngunneqarsimareernissaat akisussaatinnginnissamut tunngaviliisuusaaq, pisorlu piffissami tassani naatsorsuutigineqarsinnaasimangippat. Tunisassiat tuniniaanermi naliginnaasumik atugassiatut ilusilersorneqarnikuupput. Tunisassiat ajalusoorfiusinnaasuni systemini atorineqartut, soorlu sillimaniarnikkut-, qaartartumeerinermit-, sakkutooqarnemi sakkulersuutit/ikkussuiffiit, pilersuinikkut suliffeqarfiit, inuup inuuneranik annaassiniarnermi atortorissaarutit imaluunniit sakkulersuutinik nittarsaassinissat inerteqqutaapput, matumani tunisassiortumit pineqartumit allakkatigut akuersissuteqartoqartinnagu.

13. TUNISASSIAMUT AKISUSSAAFFEQARNEQ:

Annertussuseq aallaavigalugu Kalaallit Nunaanni eqqartuussinikkut inatsisitigut tunisassianut akisussaaffik ukunani killilersimaartinneqarpoq: inu:it a/s-imit ajoqusiineq tunisinermi piosoq taamaallaat akisussaaffigineqarpoq, tassanilu inu:it a/s-mit kukkussut ajoqusiinerlu pisuussutigineqarsimanera uppersarsarneqarsinnaassalluni.

14. PISINNAATITAAFFINNIK PISUSSAATITAAFFINNILLU TUNNIUSSISINNAATITAANEQ:

inu:it a/s piginnaatitaaffiit pisussaaffiillu isumaqatigiissut malillugu pingajorisamut tunniussinissamut piginnaatippoq.

15. ISUMAQATIGIINNGISSUTIT:

Pisisup inu:it a/s-illu akornanni isumaqatigiinngissutit suulluunniit Kalaallit Nunaanni eqqartuussivikkut naliliiffigineqassapput.